

佛說興起行經序

籍

所謂崑崙山者則閭浮利地之中心也山皆寶石周匝有五百窟窟皆黃金常五百羅漢居之阿耨大泉外同圍山山內平地泉處其中泉岸皆黃金以四獸頭出水其口各遠一匝已還復其方出投四海為口所出者則黃河是也其泉方各二十五由延浮三獸方一獸方者七里也泉中有金臺臺方一由延臺上有金蓮華以七寶為莖如來將五百羅漢常以月十五日於中說戒因舍利弗問佛十事宿緣後以十五日時將本弟子說訖乃止如是至九往所以十問而九答者以本捨之對人間僕之欲示人宿緣不可逃避故也又阿耨泉中非有漏礙形所可周旋唯有阿難為如來所接也所以懇勸告舍利弗者欲化諸龍故也

佛說興起行經卷上

一分數從宿緣起
出經義
後漢外國三藏摩訶訶譯

聞如是一時佛在摩竭國普為眾生故

興起行經卷上 第二篇

止於竹園中佛語諸比丘及神足羅漢各費所乞食共至阿耨泉路由五姓國將諸比丘眾於中共乞食比丘五百人以神足飛下比丘僧團達到阿耨大泉世尊坐其中世尊食已訖諸比丘故食當於飯食時地為大震動比丘問世尊此地何為動世尊便為說愍此眾生動地獄有罪人極行眾逆惡鬼神有千人斫其兩大助須臾不休息斧斤皆燒亦斫滿正千歲力極乃得斷問作何等罪乃致此苦痛此助大介許使地為震動此本世間人恒喜姪他妻坐貪色欲故又殺清信士以是宿緣故致得此大身鬼神有千人恒斫此兩助世尊說如是佛問諸四道汝等作何緣各各自說神通大弟子能繼轉法輪智慧舍利弗起問於世尊世尊無雙比無事不見聞世尊先自說宿世諸因緣孫陀生惡謗世尊得其故事無故誹謗此是何因緣坐奢弥跋提此五百比丘無故相誹謗此是何因緣何為得頭痛誅殺五親時諸師皆疼痛及患脊背強剛木槍刺脚調達崖石擲地破脚指此是何因緣多舌童女人帶杆起其腹無故來相誹

興起行經卷上 第三篇

在於大泉中又在毗蘭邑三月食為麥國師梵志請此是何因緣在於鬱秘地苦行足六年斷息揮贏瘦此是何因緣世尊為演說舍利弗諦聽今當盡為說先世所行緣

佛說孫陀利宿緣經第一

聞如是一時佛在阿耨大泉與大比丘五百人俱皆是阿羅漢六神通足大有名稱端正殊好各有眾相不長不短不白不黑不肥不瘦色猶紅蓮華皆能伏心意唯除一比丘何者阿難是也舍利弗自從華座起整衣服偏露右臂右膝跪蓮華座向佛叉手問世尊言世尊無事不見無事不聞無事不知世尊無雙比眾惡滅盡諸善普備諸天龍神帝王臣民一切眾生皆欲度之世尊今故現有殘緣願佛自說此緣使天人眾生聞者開解以何因緣孫陀利來誹謗以何因緣坐奢弥跋提被誹及五百羅漢以何因緣世尊頭痛以何因緣世尊脊骨節疼痛以何因緣世尊脊背強以何因緣剛木刺其脚以何因緣地姿達兜

以崖石擲以何因緣多舌女人帶打
大眾中有漏無漏前來相誹謗曰何
以不自說家事乃為他說為我今臨產
當須酥油以何因緣於毗蘭邑與五百
比丘食馬麥以何因緣在贊秘地若
行經六年謂呼當得佛佛語舍利弗
還復華座吾當為汝說先世諸因緣
舍利弗即便還復本座阿得大龍王
開佛當說緣法踊躍歡喜即為佛作
七寶交蓋蓋中兩梅檀末香周遶
諸座無數諸天龍鬼神乳香和阿湏
倫迦樓羅鵝鴈摩休勒皆來詣佛
叉手作禮園遶而立佛便為舍利弗
說往昔過去世波羅捺城中有博戲
人名曰淨眼巧於歌戲今時有難女
名曰鹿相端正姝好嚴淨無比時淨
眼往至鹿相所語此女曰當共出外
詣樹園中求於好地共相娛樂女答
曰可余鹿相便歸莊嚴衣服詣淨眼
家淨眼即嚴駕好車與鹿相共載
出波羅捺城至於樹園共相娛樂經
於日夜淨眼觀其衣服珍妙便生貪
心當殺此女取其衣服復念殺已當

為何截之時此園中有辟支佛名樂
無為去其所止不遠淨眼又念此辟
支佛景入城乞食後我當殺鹿相埋
其廬中持衣而歸誰知我慶明旦辟
支佛即入城乞食淨眼於後便殺鹿
相脫衣服取埋屍著樂無為廬中平
地如故便乘車從餘門入城今時波
羅捺國王名梵達國人不見鹿相遂
徵國王眾人曰王鹿相不見王即召
群臣遍詣里巷戶至覓之諸臣受教
如命覓之遍覓不得便復出城見樹
間眾鳥飛翔其上眾人便念城中已
遍不得此必有以當共往彼即尋便
往到樂無為廬前搜索得屍諸臣語
樂無為曰已行不淨胡為復殺辟支
佛默然不答問如此至三不答如前
樂無為手脚著土此是先世因緣故
默不答眾臣便反縛樂無為持打問
辭樹神人現出半身語眾人曰莫持打
此人眾臣曰何以不打神曰此無是
法終不行是諸臣雖聞神言不肯聽
用持此樂無為復詣王所白王曰此
道士行不淨已又復殺之王聞是語

瞋恚大喚語諸大臣看是道士行於
非法應當余耶王勅諸臣急縛驢馱
打鼓遍巡然後出城南門將至樹下
鐵鉗攢之貫著竿頭聚弓射之若不
死者便斬其頭諸臣受教急縛驢馱
打鼓巷至巡之國人見之皆恠所以
或有信者或不信者眾人集觀嘆
悲傷於時淨眼在破牆中藏聞眾人
六六聲便於牆中傾頭盜視見樂無
為反縛驢馱眾人逐行見已心念此
道士無故見在當死此不應有愛欲
我目殺鹿相非道士殺我自受死當
活道士淨眼念已便出走趣大眾普
喚上官曰莫因殺此道士非道士殺
鹿相是我殺之耳願放此道士縛我
隨罪治我諸上官皆驚愕曰何能代
他受罪即共解辟支佛縛便捉淨眼
反縛如前詣上官等皆向辟支佛作
禮懺悔我等愚癡無故枉因道士當
以大慈原赦我罪莫使我將來受此
重殃如是至三樂無為辟支佛默然
不答辟支佛心念我不宜更入波羅
捺城乞食我但當於此眾前取滅度耳

興起行經卷上 第七編 雜

興起行經卷上 第八編 雜

興起行經卷上 第九編 雜

雜

辟支佛便於泉前踊昇虛空於中住
運坐則住立覺以下出煙覺以上出
火或復覺以下出火覺以上出煙或
左脇出煙右脇出火或左脇出火右
脇出煙或腹前出煙背上出火或腹
前出火背上出煙或覺以下出火
覺以上出火或覺以下出水覺以
上出水或左脇出火右脇出水或
左脇出水右脇出火或腹前出水
背上出水或腹前出火背上出水
或左肩出水右肩出水或左肩出水
右肩出水或兩肩出水或兩肩出水
然後舉身出煙舉身出火舉身出水
即於空中燒身滅度於是大眾皆悲
涕泣或有懺悔或有作禮者取其舍
利於四衢道起偷婆諸上官即將淨
眼詣王梵達此人殺鹿相非是道士
殺王便瞋此監司前時何為妄白虛
事云此人殺人今云非也乃使我作虛
妄之人枉困道士諸臣白王於時頓
問道士何為殺人也時道士默不見
答又手脚復著上以是故臣等謂呼
其殺人王便勅巨驢馱此人於城南

先以鉢盂之然後立竿貫頭聚弓射
之若不死者便斫其頭諸臣受教即
以驢馱打鼓過巡已出城南詣樹下以
鉢盂貫木聚弓射之然後斫頭佛語
舍利弗汝乃知今時淨眼者不則我
身是舍利弗汝復知鹿相者不則今
孫陀利是舍利弗汝知今時梵達王
不則今執杖釋種是舍利弗我今時
殺鹿相枉困辟支佛以是罪故無數
千歲在泥犁中莫及上銅樹無數千
歲在畜生中無數千歲在餓鬼中今
時餘殃今雖作佛故獲此孫陀利謗
於是佛自說宿命因緣偈曰
我先名淨眼乃是博戲人辟支名樂無
無過致困苦此有真淨行為眾所擾惱
毀辱而縛束復欲驅出城見此辟支佛
因辱被繫縛我起慈悲心使令得解脫
以是因緣故久受地獄苦乃今時殘殃
今故被誹謗我今斷後生便盡於是世
坐此孫陀利故得其誹謗因緣終不脫
亦不著虛空當護三因緣終始不可犯
我自成尊佛得為三界將故說先因緣
阿耨大泉中

佛語舍利弗汝觀如來眾惡皆盡諸
善普備能度天龍鬼神帝王臣民蠃
飛蠕動皆使得度無為安樂雖有是切
德猶不免於宿緣况復愚冥未得道
者不攝身口意此等當如何佛語舍
利弗汝當學是及諸羅漢并一切眾生
當護身三口四意三舍利弗汝當學
是并及一切佛說是時舍利弗及五
百羅漢阿耨大龍王天龍鬼神犍耆
和須倫迦樓羅甄陀羅摩休勒聞
佛所說歡喜受行
佛說奢弥跋宿緣經第二
聞如是一時佛在阿耨大泉與大比
丘眾五百人俱皆是羅漢六通神足
唯除一比丘阿難也是時佛告舍利
弗過去久遠九十一劫是時有王名
曰善說城名善說所造有一婆羅門
名延如達好學廣博外學三部天文
圖識占相藝術曉七種書及外道教
誡解了眾法世俗典籍相有三十常
教學五百家族童子復有一婆羅門
名曰梵天大富饒財為馬七珍侍使
僕從婦名淨音端正姝妙容貌第一

性所和調無嫉妬心延如達以梵天
為檀越婦淨音供養延如達飲食衣
被牀卧坐具病瘦醫藥有一辟支佛
名曰愛學往到城內執衣持鉢行欲
乞食偶至梵天門時淨音見辟支佛衣
服整齊行步詳審六根寂定心甚愛
樂即請供養曰自今已去衣被飲食
牀卧醫藥常從我受當為我故受我
請淨音即以濃美飲食滿鉢與之辟
支佛受已執鉢昇虛七反迴旋飛還
所止時城內人見此神足口國有是
人我等有福舉國歡喜供養無厭淨音
供養辟支佛日進待延如達遂薄延
如達自覺薄已厚彼便興妬嫉誹謗
之言此道士實無戒德何以故典此淨
音作不淨行故也以是故厚供養之
延如達告五百弟子曰此道士犯戒
無精進行諸童子各歸家宣令曰此
道上無有淨行與淨音通諸童子曰
余如師所言此道士實有姪欲心五
百童子受教入城至巷宣令曰此道
士有姪欲心與淨音通國人咸疑神
足如是有此穢聲耶此聲經七年乃

斷後辟支佛現卜八變取於滅度眾
人乃知延如達為虛妄辟支佛為清
淨佛語舍利弗汝知余時延如達不
則我身是余時梵天者憂填王是余
時淨音者奢弥跋是余時五百童子
者今五百羅漢是佛語舍利弗我余
時因失供養故便生妬嫉心與汝等
共誹謗辟支佛以是因緣與汝等共
入地獄鑊湯見者無數千歲由是餘
殃今雖得佛故與汝等有奢弥跋之
謗也於是世尊說先世因緣偈曰
我先為梵志廣學外四部止於樹園中
教授五百童有一辟支佛清淨有神足
見是得供養無故橫相誹謗諸童子
道士不淨行我適說是時童子皆歡喜
童子聞是已遍行諸里巷盡向眾人說
道士犯不淨以是因緣故經歷地獄久
我及汝曹等更是無厭苦由是殘因緣
是眾五百人無故被誹謗坐此奢弥跋
我今在末世成於無上道無故而誹謗
坐此奢弥跋如來或尊佛三界之大將
阿耨多羅三藐三菩提自說本世緣
佛告舍利弗汝觀如來眾漏已盡諸

善普具慈愍天人乃至蠕動皆欲使
濟度雖有此功德猶不免於宿緣况
復愚昧未識道者佛語舍利弗汝當
學是及諸羅漢一切眾生皆當學是
佛語舍利弗汝當護身三口四意三
舍利弗當學如是佛說是已舍利弗
及五百羅漢阿耨多羅三藐三菩提
乾沓和須倫迦樓羅甄陀羅摩休
勤聞佛所說歡喜受行
佛說頭痛宿緣經第三
聞如是一時佛在阿耨多羅三藐三
立五百人俱皆是阿羅漢六神通足
唯除一比丘阿難也佛告舍利弗過
去久遠世於羅閱祇大城中時穀貴
飢饉人皆拾取白骨打煮飲汁掘百
草根以續微命以一升金買一升穀
今時羅閱祇有大村數百家名曰岐
九支越村東不遠有池名曰多魚岐越
村人將妻子詣多魚池止於池邊捕
魚食之時捕魚人採魚者岸上在陸
而跳我余時為小兒年適四歲見魚
跳而喜時池中有兩種魚一種名變
一種名多舌此自相語曰我等不犯

異起行經卷上 第十三 結

人橫被見食我等後世要當報此佛語
舍利弗汝識今時咬越村人男女大
小不則今迦毗羅越國諸釋種是今
時小兒者我身是今時麤魚者毗樓
勒王是今時多舌魚者今毗樓勒王
相師婆羅門名惡舌者是今時魚跳
我以小枝打魚頭以是因緣墮地獄中
無數千歲我今雖得阿惟三佛由是殘
緣故毗樓勒王伐釋種時我得頭痛
佛語舍利弗汝知我今何頭痛舍利
弗我初得頭痛時語阿難曰以四升
鉢盛滿冷水來阿難如教持來以指
按額上汗涕水中水即尋消滅猶如
終日炊空大釜投一涕水水即焦然
頭痛之熱其狀如是假令須弥山邊
旁出亞崖一由延至百由延值我頭
痛熱者亦當消盡舍利弗如來頭痛
如是佛今時說宿緣偈曰
先世咬越村有一咬越子捕魚置岸上
以杖敲其頭以是因緣故經歷地獄久
名曰黑繩獄燒煮甚久長由是殘因緣
今得頭痛熱殺是諸釋時惡行毗樓勒
此緣終不化亦不著虛空當共自謹慎

異起行經卷上 第十四 結

防護身口意我自戒尊佛得為三界將
故說先世緣阿耨大泉中
佛語舍利弗汝見如來衆惡已盡諸
善普具欲使天龍鬼神帝三臣民皆
念其善猶有此緣况復惡冥未得道
者佛語舍利弗汝當學是及諸羅漢
一切衆生皆當學是佛語舍利弗汝當
護身三口四意三舍利弗當學是佛
說是已舍利弗及五百羅漢阿耨大
龍王天龍鬼神乳香和阿須倫迦樓
羅毘藍羅摩休勒聞佛所說歡喜受行
佛說骨節煩疼因緣經第四
聞如是一時佛在阿耨大泉與大比
丘衆五百人俱皆是阿羅漢六通神足
唯除一比丘阿難也佛語舍利弗往
昔久遠世於羅閱祇城中有一長者
子得熱病甚困其城中有一大醫子
別識諸藥能治衆病長者子呼此醫
子曰為我治病愈大與卿財寶醫子
即治長者子病得差既差之後不報其
功長者子於後復病復命治之差不
答勞如此至三不報如前後復得病
續喚治之醫子念曰前已三差而不

異起行經卷上 第十五 結

見報長者子曰卿前後治我未得相
報今好治我差當併報醫子念曰見
報如此至三如詐小兒我今治此當
令命斷即便與非藥病遂增劇便致
無常佛語舍利弗汝知今時醫子不
則我身是今時病長者子者地婆達
兜是也佛語舍利弗我今時與此長
者子非藥致令無常以是因緣數千
歲受地獄燒煮及畜生餓鬼由是殘
緣今雖得作佛故有骨節煩疼病生
於是佛說宿緣頌曰
我往為醫子治於長者見瞋恚與非藥
由此致無常以是因緣久受地獄苦
今時餘因緣故致煩疼患因緣終不滅
亦不著虛空以是三因緣盡護身口意
我自戒尊佛得為三界將故說先世緣
阿耨大泉中
佛語舍利弗汝見如來衆惡已盡諸
善普具欲使天龍鬼神帝王臣民皆
念其善猶有此緣况復惡冥未得道
者佛語舍利弗汝當學是及五百羅
漢一切衆生皆當學是佛語舍利弗
汝當護身三口四意三舍利弗汝當

學是佛說是已舍利弗及五百羅漢
阿耨大龍王天龍鬼神乳香和阿須
倫迦樓羅甄陀羅摩休勒聞佛所說
歡喜受行

佛說背痛宿緣經第五

聞如是一時佛在阿耨大泉與大比
丘眾五百人俱皆是羅漢六神通足
唯除一比丘阿難也於是佛語舍利
弗往昔久遠世時於羅閱祇時大節
日聚會時園中有兩姓力士一姓刹帝
利種一姓婆羅門種亦來在會時兩力
士共相撲婆羅門力士語刹帝利力士
曰卿莫撲我我當大與卿錢實刹帝
利便不盡力戲令其屈伏也二人俱
得稱皆受王賞婆羅門力士竟不
報刹帝利力士所許到後節日復來
聚會相撲婆羅門力士復求首刹帝
利力士如前相許刹帝利力士復饒不
撲得賞如上復不相報如是至三後節
復會婆羅門力士重語刹帝利力士
曰前後所許當一時併報刹帝利力
士心念曰此人欺我既不報我又
侵我分我今日當使其消是刹帝利

便乾笑語曰卿誰我滿三今不復用
卿物便右手捺項左手捉袴臂兩手
感之挫折其脊如折甘蔗擎之三旋
使眾人見然後撲地墮地即死王及
群臣皆大歡喜賜金錢十萬佛語舍
利弗汝知今時刹帝利力士撲殺婆
羅門力士者不則我身是婆羅門力
士者地婆達兜是佛語舍利弗我今
時以貪恚故撲殺此力士以是因緣
墮地獄中燒煮拷治經數千歲今我已
成阿惟三佛諸漏已盡今時殘緣今
故有此脊痛之患於是世尊自說宿
緣頌曰

節會共相撲 意欲屈彼人一舉撲著地
令其脊中折 以是因緣故 久受地獄苦
先世殘餘殃 故致脊痛患 此緣終不滅
亦不著虛空 護是三因緣 莫犯身口意
我自成尊佛 得為三界尊 阿耨大泉中
自說宿世緣

佛語舍利弗汝見如來眾惡已盡諸
善普具諸天龍神帝王臣民一切眾
生皆欲令得渡尚不免餘殃况復愚
癡未得道者佛語舍利弗汝等當學

是護身三口四意三佛說是已舍利
弗及五百羅漢八部鬼神聞佛所說
歡喜受行

佛說木槍刺脚因緣經第六

聞如是一時佛在羅閱祇竹園精舍
與大比丘僧五百人俱世尊晨旦著
衣持鉢與五百比丘僧及阿難園達
共入羅閱祇城乞食家家遍至見此
里中有破剛木者有一片木長尺二
寸在一邊於佛前立佛便心念此是
宿緣我自作是自當受之眾人聞見
皆共聚觀大眾見之驚愕失聲佛復
心念今當現償宿緣使眾人見信解
殃對不敢造惡佛便躍在虛空去地
一肘木槍逐佛亦高一肘於佛前立
佛復上二肘三月四月乃至七月槍
亦隨上七月世尊復上高一多羅槍
亦高一多羅佛復上乃至七多羅槍
亦隨上立於佛前佛復上高七里槍
亦高七里佛復上高十里槍亦如是
佛復上高一由延槍亦隨之佛復上七
由延槍亦上隨之佛於空中化作青
石厚六由延縱廣十二由延佛於上

興起行經卷上 第十九 籍 市

立槍便穿石出在佛前立佛復於空中化作水縱廣十二由延深六由延於水上立槍復過水於佛前立佛復於空中化作大火縱廣十二由延高六由延於焰上立槍亦過焰至佛前立佛復於空中化作旋風縱廣十二由延高六由延於風上立槍從傍邊斜來起佛前立佛復上至四天王宮殿中住槍亦來上至佛前立佛復上至三十三天上壁方一由延起瑠璃石佛於上立槍亦來上在佛前立佛去後四天王相告曰佛畏此木槍槍亦逐不置皆共忿然不悅從三十三天化去至焰天焰天化去至梵率地率化去至涅槃羅他涅槃羅他化去至婆羅尼蜜婆羅尼蜜化去至梵天木槍從三十三天以次來上乃至梵天於佛前立諸天皆相謂曰佛畏此槍槍走然槍逐不置今時世尊與諸梵天說自宿緣法從梵天還至婆羅尼蜜婆羅尼蜜下至涅槃羅他涅槃羅他下至梵率地率下至焰天焰天下至三十三大三十三天下至四天王四天王

興起行經卷上 第二十 籍 市

下還至羅闍祇所過諸天皆為說宿緣法槍亦復從上下至羅闍祇佛亦為羅闍祇人說宿緣法佛與比丘僧出羅闍祇城槍亦尋佛後國人盡逐佛出城佛問眾人汝等欲何至眾人答曰欲隨如來看此因緣佛語眾人各自還歸如來自知時節阿難問佛如來何以違眾人還佛語阿難若眾人見我償此緣者皆當盟死墮地阿難便默世尊即還竹園僧伽藍自慶已房勅諸比丘各自還房各受教還房阿難問佛我當云何佛語阿難汝亦還房阿難即還佛便心念是緣我宿還坐本座佛便展右足木槍便從足跌上下入微過入地地深六万八千由延過此地至水水深亦六万八千由延過水至火火高六万八千由延至火乃離當今時地六反震動阿難諸比丘各自心念今此地動槍必刺佛脚也佛被判已苦痛辛痛疼痛斷氣痛阿難即至佛所見佛脚槍刺瘡便悶死倒地佛便以水灑阿難阿難

興起行經卷上 第二十一 籍 市

乃起起已禮佛足摩拭佛足為佛足涕泣墮淚曰佛以是脚行至樹下降魔上至三十三天為母說法世尊金剛之身作何因緣為此小木所害乃余佛語阿難且止勿憂涕泣世間因緣皆生是有是苦患阿難問佛今者瘡痛增損何如佛語阿難漸漸有降舍利弗將諸比丘僧來詣佛所稽首佛足禮已一面住舍利弗問佛不審瘡痛增損云何佛報舍利弗瘡痛漸漸有損今時比丘象中漏未盡者見此瘡皆悲喚號泣曰世尊大悲無物不濟而去何有此痛緣也佛語此等比丘且止莫涕我乃先世自造此緣要當受之無可逃避處此對亦非父作亦非母作亦非王作亦非天作亦非沙門婆羅門所作本我自造今自受之諸漏盡神通者各自默然思惟佛往日曾所說偈曰世人所作行或作善惡事此行還歸身終不打敗亡者安聞佛為木槍所刺涕泣至阿闍世王所阿闍世王曰卿何以涕泣者

婆答曰我聞佛為木槍刺脚是以涕
耳阿闍世王聞此語便從牀上問死
墮地良久乃蘇舉宮內外咸皆驚怖
王起涕泣勅諸臣曰速疾嚴駕欲至
佛所諸臣受教即便嚴駕白王曰嚴
駕已訖王即便上車出羅閱祇城城內
四姓宗族清信士女聞佛為木槍所
刺王與弟耆婆及此人眾百千圍遶
共至佛所下車脫冠解紬退蓋步進
詣佛佛右脇側卧王礼佛已手捉佛
足摩拔口鳴自穢國号姓名曰摩竭
王阿闍世問評世尊瘡痛豈有小損
不佛報阿闍世當使大王常得安隱
長壽無病王當治以正法莫行非法
佛便命王使坐王即就座王問佛言
我從如來所聞佛身金剛不可毀壞
不審今者何為此不槍所刺耶佛告
王曰一切諸法皆為緣對所壞我身
雖是金剛非木槍能壞宿對所壞於
是世尊即說頌曰
世人所為作各自見其行行善得善報
行惡得惡報
是故大王當學捨惡從善惡驗不學

問未識真道者戲笑輕作罪後當
號泣受是故大王不可以戲笑作罪
王當學如是王語耆婆汝合好藥洗
瘡呪治必令時差耆婆曰諸耆婆即
便礼佛洗足耆生肌藥已復讀止痛呪
耆婆出百千價戲用藥佛足以手摩
足以口鳴之曰願佛老壽此患早除
一切眾生長夜之苦亦得解脫即起
礼佛於一面住佛於是為阿闍世王
一切眾會故說四諦法何謂四諦苦
諦苦習諦苦盡諦苦盡道諦是為四諦
說是時六十比丘得漏盡意解乃一
人得法眼淨王於是辭曰國事多故欲
還請辭佛言可宜知是時王即起稽
首佛足遶三匝而歸諸眾亦各礼佛
遶三匝而還於是暮夜半有七天人
人人能出百種音聲來詣佛所稽
首佛足遶牀一匝而立一天白佛瞿
曇沙門如師子受瘡能忍苦痛不告
他人一天又曰瞿曇沙門如鳥受瘡
能忍苦痛不語他人一天復曰瞿曇
沙門如羣牛號時亦不覺苦痛一天復
曰瞿曇沙門如水牛號時亦不覺痛

一天復曰瞿曇沙門如八臂天王受
瘡能忍苦痛一天復曰瞿曇沙門如
寶馬不覺苦痛一天復曰瞿曇沙門
審諦清淨不覺苦痛第一天曰佛人中
師子人中為人中羣牛人中水牛人
中八臂天王人中寶馬人中審諦清
淨世尊如此等能忍苦痛此輩愚耐
痛世尊以慧耐不如外學梵志已過
中年懈廢取婦故墮度苦無由得度
何以故不能究竟故也如來法中清
淨究竟斷諸愛欲滅盡涅槃如此乃
度三界穢海也何以故是輩心意正
定從四諦求涅槃故也天於是以偈
頌曰

凶獷難降伏癡疑無定智志業憂野露
不度生死淵定智除愚調意眾縛解
志寂無狂惑是度生死海

於是天說偈已佛默然可之諸天見
佛默然知為可意即稽首佛足遶三
匝已忽然化去至清旦佛語舍利弗
往昔無數阿僧祇劫前尔時有兩部
賈客各有五百人在波羅捺國各撰
合資財欲嚴舩渡海裝揀已訖解繫

異起行經卷上 第五

張帆便引而去乘風徑往即至寶渚渚上置饒多有衣被飲食牀卧坐具及妙姝女種種雜寶無物不有一部要客主語衆人曰我等以資財故勤身苦體渡海至此所求已獲今當住此以五樂自娛第二薩薄告其部衆此間雖饒衆寶五樂姝女衣食無乏不當於此久住是時於虛空中有天女慈愍此輩賈客欲使從心所願多得財寶無為還歸便於空中語衆賈人曰此間雖有財寶五樂姝女衣被飲食不足久住當早還去何以故却後七日此地皆當浸水語訖化去復有魔天女意欲使此賈客於此浸盡不得還歸於空中告曰卿等不足嚴駕欲還去此間快樂極可娛樂此地初無水至設當有水至此之衆實飲食衣被姝女五樂何由而有前天所說水當浸此皆是虛妄不足信之說已化去第一薩薄聞天女語已勅其部衆卿等勿復嚴駕欲得還去莫信前天所說此是虛妄耳此間快樂五欲無乏聞浮動若正欲求此今已得之何緣

異起行經卷上 第六

復去第二薩薄還告其衆等莫貪五樂於此久住却後七日水當滿此速疾市買裝駕治船前天所說至誠不虛設七日無水猶當治嚴還去豈可捨本父母妻子乎若當却後七日水不至者便當於此五樂自娛然後徐歸若水害來如前天所說者治嚴已竟去復何難佛語舍利弗却後七日如前天所言水滿其地於時第二薩薄先已嚴辦水至之日所將部衆即得上船第一薩薄先不治嚴水至之日與治嚴者爭船主護之不容得前便者鎧持杖共相格戰第二薩薄於船上以鎧鎗第一薩薄脚徹過即便命終佛語舍利弗汝知第一薩薄者不則地婆達兜是第二薩薄以鎗鎗第一薩薄者則我身是今時第一賈客衆五百人者則今地婆達兜五百弟子是今時第二賈客五百衆者則今五百羅漢是今時第一天女者則舍利弗是今時第二天女則今名滿月比丘婆羅門弟子是佛語舍利弗我往昔作薩薄貪財分死

異起行經卷上 第七

渡海與彼爭船以鎗鎗彼薩薄脚以是因緣無數千歲經地獄苦於地獄中無數千過為鎗鎗所刺無數千歲墮畜生中為人所射無數千歲在餓鬼中上鐵錐樹上今雖得如來金剛之身以是餘殃故今為木槍所刺介時世尊說宿緣偈曰

先世作薩薄乘船行渡海兩賈共爭船以鎗鎗彼脚以是因緣故地獄受鎗苦為畜常被射餓鬼上錐樹今已成佛道愍念衆生故雖得金剛身不免於木槍因緣終不滅亦不著虛空當護三因緣莫犯身口意今我成佛得為三界將阿耨大衆中自說先世緣

佛語舍利弗汝觀如來衆惡已盡諸善普備諸天龍神帝王目民一切衆生皆欲度之猶不免此對况復愚冥未得道者是故舍利弗當護身口意莫犯是三事舍利弗汝等當學如是佛說是已舍利弗歡喜受行佛說興起行經卷上

癸卯歲高麗國公言太藏都監奉勅彫造

佛說興起行經卷下

結

後漢外國三藏康孟詳譯

佛說地婆達兜擲石緣經第七

聞如是一時佛在阿耨大泉與大比丘衆五百人俱皆是阿羅漢六神通足唯除一比丘阿難也是時佛告舍利弗往昔過去世於羅閱祇城有長者名曰須檀大富多饒財寶爲馬七珍僮僕侍使產業備足子名須摩提其父須檀奄然命終須摩提有異母弟名修耶舍摩提心念我當去何設計不與修耶舍分須摩提復念唯當殺之乃得不與耳須摩提語修耶舍大弟共詣耆闍崛山上有所論說去來修耶舍曰可令須摩提即執弟手上山就上山已將至絕高崖頭便推置崖底以石趺之便即命絕佛語舍利弗汝知今時長者須檀者不則今父王真淨是也今時子須摩提者則我身是弟修耶舍者則今地婆達兜是佛語舍利弗我今時貪財害弟以是罪故無數千歲在地獄中燒煮為

興起行經卷下 第二卷 結

鐵山所墮今時殘緣今雖得阿惟三佛故不能免此宿對我於耆闍崛山經行為地婆達兜舉崖石長六丈廣三丈以擲佛頭耆闍崛山神名金埤羅以手接石石邊小片迸墮中佛脚拇指即破血出於是世尊即說宿命偈曰

我往以財故殺其異母弟推著高崖下以石趺其上以是因緣故久受地獄苦於其地獄中為鐵山所墮由是殘餘殃地婆達下石崖片落傷脚破我脚拇指因緣終不朽亦不著虛空當護三因緣莫犯身口意今我成尊佛得為三眾將阿耨大泉中說此先世緣

佛語舍利弗汝觀如來衆惡已盡諸善普具諸天龍神帝王臣民一切衆生皆欲度之尚有宿緣不能得免况復愚冥未得道者舍利弗等當學如是莫犯身口意佛說是已舍利弗及五百羅漢阿耨大龍王天龍鬼神乾沓和阿須倫迦樓羅甄陀羅摩休勒聞佛所說歡喜受行

佛說婆羅門女持沙謗佛緣經第八

興起行經卷下 第三卷 結

聞如是一時佛在阿耨大泉與大比丘衆五百人俱皆是阿羅漢六神通足除一比丘阿難也佛告舍利弗往昔阿僧祇劫前今時有佛名盡勝如來至真等正覺明行成爲善逝世間解無上士道法御天人師號佛世尊時在波羅捺國與大比丘六萬八千衆皆是羅漢舍利弗今時盡勝如來有兩種比丘一種比丘名無勝一種比丘名常歡無勝比丘者六神通足也常歡比丘者結使未除今時波羅捺城有長者名大愛有爲馬七寶資財無極大愛長者有婦名曰善幻端正無比兩種比丘往來其家以爲檀越善幻婦者供養無勝比丘衣被飲食牀卧醫藥四事無乏供養常歡至爲微薄何以故無勝比丘斷於諸漏六通具足常歡比丘結使未盡未成道故也常歡比丘見無勝比丘偏受供養與嫉妬意橫生誹謗曰無勝比丘與善幻通不以道法供養自以恩愛供養耳佛語舍利弗汝知今時盡勝如來弟子常歡者不則我身是欲

異起行經卷下 第四品 誦

知善幻婦人者則今婆羅門女名梅沙者是佛語舍利弗我今時無故誹謗無勝羅漢以是罪故無數千歲在地獄中受諸苦痛今雖得佛為六師等諸比丘眾漏盡未盡及諸王臣民清信士女說法時以餘殃故多舌童女帶杆起腹來至我前曰沙門何以不自說家事乃說他事為汝今日獨自樂不知我苦耶何以故汝先共我通使我有娠今當臨日事須酥油養於小兒盡當給我今時眾會皆低頭默然時釋提桓因侍後扇佛以神力化作一鼠入其衣裏齒於帶杆忽然落地尔時諸四部弟子及六師徒等見杆墮地皆大歡喜揚聲稱慶欣笑無量皆同音罵曰汝死亦吹罪物何能與此惡意誹謗清淨無上正真此地無知乃能容載如此惡物也諸眾各說是時地即為劈裂焰火踊出女便墮中徑至阿鼻大泥犁中大眾見此女現身墮泥犁阿闍世王便驚恐衣毛為豎即起叉手長跪白言此女所墮今在何處佛答大王此女所墮

異起行經卷下 第五品 誦

名阿鼻泥犁阿闍世王復問佛此女不殺人亦不偷盜直妄語便墮阿鼻耶佛語阿闍世王我所說緣法有上中下身口意行阿闍世王復問何者為重何者為中何者為下佛語阿闍世王意行重口行屢中身行在下阿闍世王復問佛佛答曰身行屢現此事可見口行者耳所聞此二事者世間所聞見佛語大王意行者設發念時無聞見者此是內事眾行為意釘所繫王復問佛意不可見云何獨繫意釘耶佛答王曰若男子女人設欲身行殺盜姪者先當思惟朝中人定何時可行也思惟何處可往佛復語王夫人作行先心計技然後施行是故繫於意釘不在身口也佛復語王是口行者欲行口行時先意思惟若在大會講論法時若都在都坐斷當律時設問我者我當違反彼說此聞非是已事若有是語者我當反之此受他意氣故作是語耳若行此三事不著者復更作計當往聞之日彼欲殺汝破汝壞汝汝當隨我語莫信他

異起行經卷下 第六品 誦

人若作此兩舌者成於虛偽滅其正法命終之後墮於泥犁佛語王是故口行繫於意釘不繫身口王復問佛何以故佛答王曰身三口四皆繫意釘意不念者身不能獨行是故身口繫意釘於是世尊即說偈曰
意中熟思惟然後行二事 伴慙於身口
未曾愧心意先當慙於意 然後舉身口
此三不離意亦不能獨行
於是阿闍世王聞佛說法涕泣悲感佛問王王何為涕王答曰為眾生無智不解三事恒有損滅是故悲耳此眾生但謂身口為大不知意為深與世尊我本謂身口為大意為小今從佛聞乃知意為大身口為小佛問王日本何以知身口大意为小今方云意大身口小耶王復白佛夫人殺生人皆見之若偷盜姪姪亦人所見此身三事天下盡見口行妄語惡口兩舌言不至誠此口四事天下所聞意家三事非耳所聞非眼所見是故眾生以眼見耳聞為大今聞佛說乃知心意為大身口為小以是故身口二

事繫於意釘佛復問王云何知意釘
為大身口二事繫於意釘王曰佛言
此多舌女人欲設謗毀先心思念當
以繫杆起腹在大眾中說是輩事又
聞佛說是故我知意大身口小佛語
大王今云何解意大身口小王答曰
設欲行事先心發念然後身口行之
是故知意大身口小佛言善哉善哉
大王善解此事常當學此意大身口
小說是法時眾中八十比丘漏盡意
解二百比丘得阿那含道四百比丘
得斯陀含道八百比丘得須陀洹道
八万天與人皆得法眼淨十万人及
非人皆受五戒二十万鬼神受三自
歸於是世尊說宿緣偈言
盡勝如來時我比丘多歡毀謗於無勝
墮於地獄久以是殘因緣多舌童女未
在於大眾中前立謗毀我宿對終不滅
亦不著虛空當護三因緣莫犯身口意
今我成佛道得為三界將阿耨大鼻中
自說先世緣
佛語舍利弗汝觀如來眾惡已盡諸
善普具諸天龍鬼神帝王臣民一切

眾生皆欲度之尚不免此宿緣况汝
愚冥未得道者舍利弗當護身口意
佛說是已舍利弗及五百羅漢阿耨
大龍王八部鬼神聞佛所說歡喜受行
佛說食馬麥宿緣經第九
聞如是一時佛在阿耨大鼻與大比
丘眾五百人俱皆是羅漢六通神足
佛告舍利弗過去久遠世時佛名毗
婆華如來至真等正覺明行成為善
逝世間解無上士道法御天人師号
佛世尊在祿頭摩跋城中與大比丘
眾十六万八千人俱王名祿頭與群
臣庶民清信士女以四事供養毗婆
華如來及眾終已無乏尔時城中有
婆羅門名因提耆利博達梵志四圓
典籍亦知星捷算術及婆羅門戒教
五百童子王設會先請佛佛便默然
許之王還具饌種種濃美及設牀座
翫戲能翫辦已畢王執香爐於座上
長跪啓曰今時已到唯願屈尊時毗
婆華佛見時已至便勅大眾著衣持
鉢當就王請大眾圍遶往詣王宮就
座而坐王即下食手自斟酌種種餚

膳今時有一比丘名曰弥勒時病不
行佛及大眾食已各還還時皆為諸
病比丘請食過梵志山見食香美便
興妬嫉意曰此髮頭沙門正應食馬
麥不應食此甘饌之供告諸童子汝
等見此髮頭道人食於甘美餚膳不
諸童子曰今實見此等師主亦應食
馬麥佛語舍利弗汝知尔時山王婆
羅門不則我身是尔時五百童子者
今五百羅漢是尔時病比丘弥勒者
則今弥勒菩薩是佛語舍利弗我不
時興妬嫉意言是輩不應食甘饌正
應食馬麥耳及卿等亦去如是以是
因緣我及卿等經歷地獄無數千歲
今雖成佛尔時殘緣我及卿等於毗
蘭邑故食馬麥九十日我今時不言
與佛馬麥但言與比丘以是故我今
得食摘麥仁以卿等加言當與佛麥
故今日卿等食著皮麥耳於是世尊
說宿緣偈言
我今為梵志所學甚廣博教授五百童
在於樹園中在此葉佛世形罵著比丘
不應食糠粃正應食馬麥汝等童子說

興行經卷下 第十張

諸

志

實如師所道并及此等師亦應念馬麥以是因緣故久受地獄苦今時殘餘殃亦五百比丘婆羅門時請當會毗蘭邑與卿食馬麥九十日不減因緣終不朽亦不著虛空當護三因緣莫犯身口意今我成佛道得為三界將阿耨大泉中自說先世緣

佛語舍利弗汝觀如來眾惡已盡諸善普具諸天龍神帝王臣民一切眾生皆欲度之尚不能得免宿世餘殃况愚冥未得道者佛語舍利弗當學護三因緣莫犯身口意舍利弗當學如是佛說是已舍利弗及五百羅漢阿耨大龍王八部鬼神聞佛所說歡喜受行

佛說苦行宿緣經第十

聞如是一時佛在阿耨大泉與大比丘眾五百人俱皆是阿羅漢六神通足唯除一比丘阿難也是時佛告舍利弗往昔波羅捺城邊去城不遠有多獸邑中有婆羅門為王太史國中第一有一子頭上有自然火鬘因以為名婆首端正有三十相梵志典籍

興行經卷下 第十一張

諸

志

圖書識記無事不博外道禁戒及諸算術皆悉明練時有一瓦師子名難提婆羅與火鬘少小親友心相敬念須臾不忘瓦師子精進勇猛慈仁孝順其父母俱盲供養二親無所乏短難提婆羅雖為瓦師手不掘地亦不使人掘唯取破牆崩岸及鼠壤和以為器成好無比若有男子女人欲來買者以穀麥麻豆置地取器而去初不爭價數亦不取金銀財帛唯取穀米供食而已迦葉如來所住精舍去多獸邑不遠與大比丘眾二万人皆是羅漢護喜語火鬘曰共見迦葉如來去乎火鬘答曰護喜用見此髡頭道人為直是髡頭人耳何有道哉佛道難可得如是至三護喜後日復語火鬘曰共至水上澡浴乎火鬘答曰可尔便共詣水澡浴已著衣服護喜舉右手遙指示曰迦葉如來精舍去是不遠可共暫見不火鬘答曰護喜用見此髡頭道人為髡頭道人何有佛道佛道難得護喜便捉火鬘衣牽曰共至迦葉佛去來去佛甚近不遠

興行經卷下 第十二張

諸

志

火鬘便脫衣捨走護喜逐後捉臂帶挽曰為可暫共見佛便還耶火鬘復解帶捨走曰我不欲見此髡頭沙門護喜便捉其頭牽曰為一過共見佛去來佛語舍利弗今時波羅捺國俗諺捉人頭捉頭者法皆斬刑火鬘代其驚怖心念曰此瓦師子分死捉我頭耶護喜語火鬘曰余我死終不相置要當使卿見佛火鬘心念此非小事必當有好事耳乃使此人分死相捉火鬘曰放我頭我隨子去耳護喜即放火鬘便還結頭著衣服即相隨共詣迦葉佛所護喜禮迦葉如來足於一面坐火鬘直立舉手問評而已便坐一面護喜又手白迦葉佛言此火鬘者多獸邑中太史之子是我少小親友然其不識三尊不信三寶不見佛不聞法不供養眾僧願世尊開化愚冥使其信解火鬘童子熟視世尊從頭至足從足至頭觀佛相好威容巍巍諸根寂定純淑調和以三十二相嚴飾其體八十種好以為娑媚儀如娑羅樹花身猶須弥山無能見其頂

面如月滿光如日明身色如金山火
鷄見佛相好已便心念曰我梵識記
所載相好今佛盡有唯無二事耳火
鷄於是說偈問曰

所聞三十二大士之相好於此人中尊
唯不覩二事豈有丈夫體猶如馬藏不
寧有廣長舌覆面舐頭不願為吐舌示
令我決狐疑我見乃當知如經所載不
於是迦葉如來便出廣長舌相以覆
其面上及肉髻并覆兩耳七過欲頭
縮古入口色光出照大千世界蔽日
月明乃至阿迦膩吒天光還遶身七
匝從頂上入迦葉如來以神足力現
陰馬藏令火鷄獨見餘人不覩火鷄
童子具足見佛三十二相無一缺減
踊躍歡喜不能自勝迦葉如來為火
鷄童子說法說何法說菩薩斷功德
法何等為斷菩薩功德法身行惡口
言惡意念惡身不可行而行口不可
言而言意不可念而念云何菩薩身
不可行而行者後作佛時身形短小
族姓子是為菩薩身不可行而行報
也云何菩薩口不可言而言者後出

家學時力極勤苦乃當得佛族姓子
是為菩薩口不可言而言報云何菩
薩意不可念而念者菩薩後成佛時
境內眾僧常不和合在在憂憂共相
是非族姓子是為菩薩心不可念而
念報族姓子是為菩薩三惡行對族
姓子當棄是於是火鷄童子即退前
凡佛足長跪又半白佛言我今懺悔
身不可行而行口不可言而言意不
可念而念願世尊當受我此懺悔從
今已往不復敢犯如此懺至三迦葉
如來默然受之火鷄童子護喜童子
俱起稽首佛足辭退而還火鷄童子
於中路忽思惟向三惡報便報護喜
曰卿為失利不為得利卿為無利不
為有利我不應見卿面不喜聞卿名
護喜答曰何以故令火鷄曰卿早從
迦葉佛聞深法寶何能在家而不作
道護喜答曰卿不知我父母年老又
使俱盲供養二親何由出家我亦久
欲為道耳若我出家為道者父母便
當命終以是故不得出家耳火鷄語
護喜曰我從迦葉佛聞菩薩行三惡

緣對不復樂在家我欲從此還至佛
所求為比丘護喜報曰善哉善哉火
鷄得思惟力耶便可時還所以然者
佛世難值故也火鷄童子即抱護喜
已便遠三匝又手謝曰我設有身口
意過於卿者願見原恕若卿拍授正
真大道於是火鷄童子說頌讚曰
仁為我善友法友無所貪道我以正道
是友佛所譽。

火鷄童子於是說偈已遠護喜三匝
已還詣精舍迦葉佛所稽首佛足兩
膝跪地又手白佛言寧可得從迦葉
如來下歸教入道受具足戒不佛語
舍利弗迦葉即度火鷄童子為道授
其具足戒佛語舍利弗汝知今時火
鷄童子不則我身是火鷄父者今父
王真淨是今時瓦師童子護喜者我
為太子在宮姝女時夜半作瓶天子
來謂我日時到可出家去為道者是
舍利弗此護喜者頻勸我出家則是
作道善知識也佛語舍利弗我前向
護喜作惡語道迦葉佛見頭沙門何
有佛道佛道難得以是惡言故臨成

興起行經卷下 第十六

阿惟三佛時六年受苦行舍利弗今時日食一麻一米大豆小豆我如是雖受辛苦於法無益我忍飢渴寒熱風雨蚊虻之苦身形枯燥謂乎我成佛道實無所得舍利弗我六年苦行者償先緣對畢也然後乃得阿耨三耶三菩阿惟三佛耳於是世尊說宿緣偈曰

我昔火鬚童向於護喜說見頭何有佛佛道甚難得以是因緣故六年日不減受此勤苦行望得成佛道不以為苦行能得成佛道非道而行求因緣自纏繞宿緣終不朽亦不著虛空當護三因緣莫犯身口意今我成佛道得為三耶將阿耨大泉中自說先世緣

佛語舍利弗汝觀如來衆惡已盡諸善普具諸天人神鬼軋沓和阿湏倫迦樓羅甄陀羅摩休勒一切衆生皆欲度之我猶不免宿對況復愚冥未得道者舍利弗當學護身三口四意三舍利弗當學如是佛說如來先世因緣時萬一千天子得須陀洹道八千龍皆受五戒五千夜叉受三白歸阿耨大龍

興起行經卷下 第十七

王叉手白佛世尊於我衆上受我供養說宿命因緣法使我將來成佛時莫有如此因緣使我衆惡皆盡作真淨如來佛語阿耨大龍王汝欲得如是願者當極護身口意不令犯者可得如上所願衆惡消盡作真淨如來阿耨大龍王聞佛所說踴躍歡喜以天栴檀香散佛及五百羅漢上佛於是為諸天龍神說安慰法何謂安慰法行布施法行持戒法行生天道法行斷欲法行斷三惡道法行無漏法行清淨法佛說如是已與諸比丘各離本花座比丘圓遠佛踊在虛空高七多羅以神足飛行猶鳥翔雲徐徐而還在羅閱祇竹園精舍佛說是已舍利弗及五百羅漢阿耨大龍王八部鬼神歡喜受行

佛說興起行經卷下

癸卯歲高麗國分貝藏監奉勅彫造